

Rut

Elimélec pjeyoga

1 ¹⁻²Domer shäng kjłara ko Elimélec, boy ko Noemí, wapga domerga do pjök ko Majlón, Quilión. Elimélec, e efrateo, Belén so. Belén kjokyo, e Judá tjëyoga kjokyo obi. Israel tjëyoga pjłuyo lłëm obi dbaryoshko ga pjłi shrono ara kjok eshko. E kjışhko ga Elimélec to jek öötong beno sök Moab kjokyo, ba pjeyoga lı tjok.

³Eshko ga Elimélec shinmotkonoe. Ba boy Noemí beno sök eshko, ba wapga do pjök tjok. ⁴E irgo ga ba wapga orkwosmono walëga Moab so tjok, kjłara ko Orfa, kjłara ko Rut. Gueniyo öötong lıyo sak kjwara (10) ga ⁵Majlón, Quilión, e shinmotkono lók. Eni ga Noemí beno sök wa dret, lanma dret bakoe.

Rut, Noemí

⁶⁻⁷Eshkoshko ga Israel tjëyoga kjimtara Jehovárë, ga pjłi dbaryo lı pjirae. Roy kura Noemírë eshko Moab kjokyo. E kjışhko ga wotjłık to iröng Judá tjëyoga kjokyo obi, ba pjłaydoga do pjök lı tjok lë. Opshik kjok eshko dwayo kjwłëshko ga ⁸tjłë ba kong lók ga «Pjây nom jek iröng bomi mekëga shwoy. Tja, bor wapga, tjawa woydoromi, kjimtoromi ara. E kjışhko ga rokër Jehová kong ga pjây woyde, pjây kjimte eni bakoe. ⁹Pjây kong lanma włëya jek obi, pjây ber löng wopjłı bomi ushko włö» lë. E irgo ga lő shira, tja toe lókłö.

Kuya lók ga slar tira lłëm, ¹⁰ga tjłë ba kong ga «Llëme. Tjawa jek bop tjok, bop pjeyoga löng lışhko» lë.

¹¹Gueniyo kuya ga tjłë ba kong lók ga «Toguëga, pjây to iröng obi. ¿Pjây jek bor tjok lëmi kjër lłëno? Tja wapga orkwosmok bomi tjok włö ame. ¹²Pjây to iröng bomi ushko. Tja këguë anmoyö, tja orkwosmok obi włö. Tja kjwe orkwosmono eeri jă, ga wapga domerga weno tjeng bor kong jekdo kjwe ga ¹³pjây orkwosmok lłëm, äär jong epga äär këkboga dbaryo guing lłëme. Pjây jek bor tjok lłëme. Llëye weno bomi kong lı, e kjange. Gueniyo llëye weno bor kong lı, e kjang anmoyö, Jehová opyono shäng bor włöyo kjışhko» lë.

¹⁴Kuya lók ga slatong jek obi. Eshko ga Orfa, ba em lő shira, ga briktong toe. Gueniyo Rutda jek pjä ba em lı go, to rayara lłëme. ¹⁵Eshko ga Noemí tjłë ba kong ga «Bop kjłara kjwe izong. To jek iröng ba pjeyoga löng lışhko. To ba sböpga baıya poshrëk iröng obi. Pja to ba tjok dey» lë.

- ¹⁶Kuya ga tjǎ ba kong ga
 «Pja yorkër woydë jǎkoyo.
 Tja ichëp bop rayë llëme.
 Pja jek kjone ga
 tja jek bop tjok eshko.
 Pja äär sök kjone ga
 tja äär sök bop tjok eshko.
 Bop pjeyoga lëp li,
 e ber bor pjeyoga bakoe.
 Bop Sbö lëp li,
 e ber bor Sbö bakoe.
- ¹⁷Pja shinmotkë äär kjone ga
 tja shinmotkë ber eshko bakoe.
 Pja jnekoba kjone ga
 tja jnekoba eshko bakoe.
 Tja tjǎ bop kong jǎkoyo ga
 shji löng së obishko ga
 pja äär kjone pogo ga pja rayër llëme.
 Rokër Jehová kong ga
 shäryoror eni llëm wleni ga
 tja shdüya» ë.
- ¹⁸ÿya Noemíрэ ga raye woydë Rutdë llëm kuzong ga llëye ÿara ba kong
 ame. ¹⁹Eni ga jek lok pjöyikong.
 Öötong löng Belén kjokyo ga nopga shdöktong tjǎ ara. Walëga eshko
 so tjǎ lok ëng kong ga «¿Kjwe Noemí llëmdo?» ë lok eni.
²⁰Kuya Noemíрэ ga tjǎ ba kong lok ga «Tja kowëmi Noemí ame.
 Jehová, llëye shärye woydë li shärye ga pjǎue. Ga tja iara beno sök woydë
 ara. E kjǎshko ga tja kowëmi Mara shara. ²¹Tja opshino na dwayoshko
 ga llë pogo woydër li tjok. Gueniyo tja söra Jehováрэ tek iröng or rorëe.
 Opyono shäng bor wloyo. ¿Eni ga tja kowëmi Noemí sorëro?» ë.
²²Eni ga Noemí opshino tek Moab kjokyo dwayo ba pjǎydo Rut, Moab so li tjok.
 Öötong löng Belén kjokyo shko ga dwǎ bo kjrozlong dbaryo li soyëba löng kjwǎe.

Rut ëng wǎeno Booz tjok

- 2** ¹Domer shäng kjǎlara ko Booz, e Elimélec, Noemí ÿanma dëna li
 pjeyo. E dbur ara bakoe.
²Dbar kjwara ga Rut tjǎ Noemí kong ga «Rokër bop kong ga tja ichos
 jek oba parkë dwǎ skok löng lishko. Eni ga ëbo, tja iche kjwe dwǎ bo
 beno tjeng ba irgo li töng» ë.
 Kuya ga tjǎ ba kong ga «JöLö, toguë» ë. ³Eni ga Rut jek öötong shäng dwǎ
 bo kjrëba löng li irgo. Shäng parkëshko li kjokyo sogo, e Booz, Elimélec li pjeyo.

⁴Eshko ga Booz tek tjwe shäng Belén kjokyo dwayo ga tjľe ba parkagaga löng ľi kong ga «Miga. Pjăy kjimtaga ber Jehovahăre» ľe.

Kuya ľok ga tjľe ba kong ga «Kjobe. Pja kjimtaga ber Jehovahăre bakoe» ľe.

⁵Eshko ga tjľe ba parkagaga tjeng ľi kăgăyo kong ga «¿Walě shăng kjwe ě pjejo?»

⁶«Kjwe Moab so. Walě to tek Noemí tjok Moab kjokyo dwayo ľi kjwe. ⁷Kjok shröngto ga tjľe bor kong ga «Tja ichos dwľa bo ľľe beno tjeng ba skogaga irgo ľi töng sira» ľe. Ga «Jöľö» ľer ba kongshko ga jek parkě, ga beno shăng parkě kjweshko. Woshtono shăng eeri jă ukwang kjwe dorko» ľe ba kong.

⁸Eshko ga Booz jek Rut zľong băng, ga tjľe ba kong ga «Chiya, tja kuzong. Pja dwľa bo töng shto oblě ľľeme. Pja ber shăng jűshko bor parkagaga walěga tjeng wľe tjok. ⁹Domerga to löng dwľa bo skok tjeng ľi töngshko ga pja parkě jek ba irgo. Pja twe ľok tjötö ľľeme ľoror bor parkagaga domerga kong tjăn. Ga pja wodogroshko ga di kjrěp di bapkwö dľina domergarě tjeng wľe roy dwayo» ľe.

¹⁰Kuya ga kjök tono, kujono bokdo kjľay klung go, tjľe ga «Tja shto oblě so. ¿Bop bokso ga tja pjľúe ľěp ega?»

¹¹«Pja roy kuror uunkong. Bop ľanma woľono tek ľěkong ga bop ěm, e kjimtěp shăng ara. Bop data, bop mekę, bop kjok, e rayorop pjir, ga pja to tek shrono beno sök nopga miyděp ľľem löng ľi tjok. ¹²Jehová, e Israel tjěyo Sbö. Pja opyono beno sök ba sjăgă dirko wľeni, pja de wľo. Eni ga rokěr ba kong ga pja potjwľeya, ľľeye shăryorop ľi kjishko» ľe ba kong.

¹³Kuya ga tjľe ba kong ga «Woyděr ga bop bokso ga tja pjľúe ľěp ĩyado. Bop tjľökwo, tja ie dbokjrě jek obi. Tja tjwľö ľľem, bop parkagaga walěga tjeng wľe dorko. Eni ěmdě ga pja tjľe shăng bor kong yötso, wľepe» ľe.



Ľya Boozďe ga Rut jek shăng dwľa bo töng (Rut 2.5-7)

¹⁴Ga öötong iozlong dloyo goshko ga Rut rokara Boozdë, tjëlë ba kong ga «Pja tegö. Pjlung shosho suk pjir wle kjros, ga pös kjilgwo bo dyo shpoä wle go, ga uozong» le. Kuya ga wloktëng sök parkagaga tjeng li tjrëko, ga kong dwla jnena tjeng li twara Boozdë ba kong kjwöböso. Eni ga kjrara, uara beno shäng bö tjung, wopjlú, ga beno obie.

¹⁵E irgo ga jek dwla skok tjeng li tòng obi, ga Booz tjëlë ba parkagaga löng li kong ga «Iëmi dwla tòng kjone pogoshko, töya tòng tjeng dluw wleshko ëmdë ga wëyë. ¹⁶Dwla skomi, tòmishko ga lömi pjlobö pjlobö, töya bomi irgo wlo. Ga kong llëye lëmi llëme» le.

¹⁷Eni ga Rut dwla bo tönö shäng kjok eshko äär jong kjok sënge. E irgo ga kjwokära bayo gök kësang tjung wleni kjwo sak kjwara (10). ¹⁸E irgo ga söra jek u lök lishko, ga pina ba ëm kong. Dli twara ba kong llamo li shira, twara ba kong, ue wlo bakoe.

¹⁹Iya ga tjëlë ba kong ga «¿Eerishko ga pja dwla bo tòng shäng kjone? ¿Pja parkë shäng kjone? Pja kjimtara kjok sogo lirë ara kjishko ga rokër Jehovah kong ga e kjimte ara bakoe» le.

Kuya ga tjëlë ba kong ga «Tja parkono domer shäng kjlara ko Booz tjok» le.

²⁰Kuya ga tjëlë ba kong ga «Eni ga rokër Jehovah kong ga e kjimte. Jehovah, shji nopga löng së obi li kjimte jlökoyo. Nopga wolono tjan li kjimte bakoe. Shji kjimte bi pjeyoga soshko tjeng lirë kjluwe. Ga bi pjeyoga kjlara jüni, e Booz» le.

²¹Eshko ga tjëlë ba ëm kong ga «Tja ichara ber shäng eshko, ba parkagaga walëga tjeng li tjok, äär dwla bo kjrozlong dbaryo pjitong guing» le.

²²Kuya ga tjëlë ba kong ga «Toguë, pja ber shäng ba parkagaga walëga tjeng li tjok ga ber bop kong pjluë. Pja jek shto oblë kjwe ga llëbo wen bop kong owa kjwe» le.

²³Eni ga Rut beno shäng parkë Booz parkagaga walëga tjeng li tjok, dwla bo kjrozlong dbaryo pjitong guing. Gueniyo beno sök ba ëm shwoy.

Rut öör dwla kjwokäzlong shtoyo

3 ¹Dbar kjwara ga Noemí tjëlë Rut kong ga «Toguë, pja kong lanma wlen kjlara, pja ber sök shtoyo pjlu wlo. ²Booz, pja parkë shäng ba parkagaga walëga tjeng li tjok, e bi pjeyo. Kuzong. Eeri shkëyo ga to ba dwla kjwokäk. ³Eni ga pja nom wë, pja poshtis poshtikklo lö pjleblë go, ga pja doynos shwong pjlu wleniyo go. E irgo ga pja to parkë shäng lishko, gueniyo pja opping wëlë ba kong llëm, äär iono, di iono pjir guing. ⁴Eshko ga pë buk kjoneshko ga ip yötso. E irgo ga pja jek ba zlong bäng, ba kjinyoklo dre lëkong li kjëp, ga pja opbuk buk eshko. Eshko ga llëye shäryëp wlo li le bop kong» le.

⁵Kuya ga tjëlë ba kong ga «Llëye lëp bor kong li shäryër eni» le. ⁶Eni ga opshino to jek eshko, ga llëye lara ba ëmdë ba kong kës li shäryara eni.

⁷Ga Booz iono, di iono pjirshko ga beno shäng wopjlú. E irgo ga jek opbuno, pë buk dwla tòng tjeng dluw li zlong bäng. Wop tjok ga Rut jek shäng wora wora, öötong shäng ba zlong bäng, ba kjinyoklo dre lëkong li kjara, ga opbuno buk eshko.

⁸Kjok rong dik ga Booz buk li pollak, ga wolleno. Ga workwë jek kalëkongshko ga kuya ga walë buk ba dre zlong bäng kjlara, ⁹ga tjëlë ba kong ga «¿Pja ëro?»

«Tja bop parkaga Rut. Tja kjimte bor pjeyoga soshko kjlara jüni lirë kjluwe. Ga kjlara jüni, e pja. Woydër ga pja orkwosmok bor tjok» le ba kong.

¹⁰Kuya ga tjëlë ba kong ga «Chiya, rokër Jehovah kong ga pja kjimte. Domerga dwlas bor kjinmo tjeng ara. Kjone kjone dbur ara, kjone kjone song wleniyo. Wlënop kjlara jüni kjwe, orkwosmok bop tjok wlo. Gueniyo shäryorop eni llëme. Tja bop lanma shinmotkono li pjeyo kjishko ga pja opshäryono beno ba kong pjlu, llëye shäryorop pjlu ba kong dënashko li kjinmo. ¹¹Chiya, llëye bangkjërëp llëme. Llëye lëp bor kong li shäryër. Bor pjeyoga kjok ëre so löng kës li ommiydë ga pja walë wotjlik pjlu wleniyo.

¹²»Jlökoyo ga tja bop pjeyo soshko. Gueniyo domer shäng kjlara obi, bop pjeyo soshko anmoyö bor kjinmo. ¹³Eeri shkëyo ga pja ber buk na. Bong kjok shröngto ga tja to lan ba tjok, pja dere, de pja de woydë llëmdë, e miydër wlo. Pja de woydë ga pja de. Gueniyo woyde llëm ga lër bop kong jlökoyo Jehovah ko go ga pja dër. Pja pos buk bop shtoshko kjwey äär jong bong kjok shröng guing. ¹⁴Gueniyo pja öör buk na, woydër ga miydëba llëme» le.

Eni ga pono beno buk ba dre zlong bäng. Gueniyo wëshko kjok shröng, kjok sï obishko ga kojono, opshik ey dwayo wlo. ¹⁵Eshko ga Booz tjëlë ba kong ga «Bop kjinyoklo kjwe skwos, ga shas yötso, roshko dwla iër wlo» le. Shäryara eni, ga dwla iara Boozdë kjinggwö tjer (6) söya wlo, ga toe.

¹⁶Rut öötong shäng ba ëm shwoy ga Noemí tjëlë ba kong ga «Toguë, ¿pja öör sorë?» le.

Kuya ga llëye lara Boozdë ba kong li lara ba kong pjire. ¹⁷Ga tjëlë ba kong ga «Dwla ëre twara bor kong, ga tjëlë bor kong ga «Pja jek shäng iröng bop ëm shwoy or rorë llëme» le bor kong eni» le.

¹⁸Kuya ga tjëlë ba kong ga «Toguë, koshos, llëye wen ip wlo. Eeri ga domer li woshtë llëm, llëbo li llgweya pjir guing» le.

Booz orkwosmono Rut tjok

4 ¹E wopro ga Booz jek öötong shäng kjok eshko opzrëzlong shtoyo, ga wloktëng sök eshko. Ga iya wop tjok ga Rut pjeyo soshko lara li jek shäng eshko ga tjëlë ba kong ga «Kjlara, pja tegö. Pja sirkes sök jushko» le. Kuya ga jek sirkeno sök ba tjok. ²Eshko ga tjlapgaga rokara Boozdë doglo sak kjwara (10), tjëlë ba kong lok ga «Pjäy tegö. Pjäy sirkek löng jushko» le. Kuya lok ga jek löng sirker gö tjeng ba tjok bakoe. ³Eshko ga tjëlë domer li kong ga «Noemí tek shrono sök iröng Moab kjokyo dwayo, ga wotjlik sök kjok soynek. Kjok, e bi pjeyo Elimélec, ba lanma shinmotkono li i. ⁴Ba pjeyo soshko anmoyö li pja. E kjishko ga woydoror ga pja ommiydë, tjwlep wlo. E tjwlep jlökoyo los tjlapgaga tjeng jushko, tjlapgaga kjok llgwega wleniyo bokshto. Tjwlep woydë ga tjwleözong. Gueniyo tja ba pjeyo soshko bakoe. Pja bäm go, irgo tja. E kjishko ga tjwlep woydë llëm ga los bor kong, miydër wlo» le.

Kuya ga tjľě ga «Enira tjwľěn» ľě.

⁵Kuya ga tjľě ba kong ga «Kjok, e Noemí, Elimélec syāyo ľi ĩ. Ba wa shinmotkono ľi syāyo ko Rut, e Moab so. Kjok ľi ber Elimélec tjěyo tek ber ba irgo ľi ĩ ĩyado wľo, ga tjwľěnopshko ga pja orkwosmok Rut tjok kjľuwe» ľě.

⁶Kuya ga tjľě ba kong ga «Enira kjok ľi tjwľěn ľľēm dey. Tjwľěnor ga kjok botoya jer bor shjiryo kjwe. Tjwľěn ga äe. E kjřshko ga tjwľēs pjarē dey» ľě.

⁷Eshko dbaryo ga Israel tjěyoga sděkwo tjok obi. Kjok ľľē soynek wľo ga ba soynega, kjupkwo iokľo skwe kjwara, ga twe ba tjwľěga kong. Kjok soyneya, tjwľěya eni.

⁸Eni ga domer ľi, kjupkwo iokľo skwara kjwara, ga twara Booz kong, tjľě ga «Kjok ľi tjwľēs pjarē» ľě.

⁹Eshko ga Booz tjľě tjľapgaga ľöng ľi kong, nopga ľöng kēs ľi kong ga «Eeri ga pjāy uunkong ber ľöng ba miydaga. Elimélec, Quilión, Majlón, e kjok kēs ľi tjwľěnor Noemí kong. ¹⁰Ga Majlón syāyo ko Rut, Moab so ľi křroror beno sök bor boy, kjok ľi ber Majlón tjěyo tek ber ba irgo ľi ĩ ĩyado wľo, Majlón roy jer ľľēm wľo bakoe. Pjāy uunkong ber ba miydaga» ľě.

¹¹Tjľapgaga ľöng ľi, nopga ľöng kēs ľi, Booz tjľokwo kuya ľok ga tjľě ga «Jöľö. Tjawa ber ľöng ba miydaga jľökoyo. Ga rokërwa Jehová kong ga walē ľi kong wapga twe ara, twara Israel boyga Raquel, Lea kong sorē ga eni. Rokërwa ba kong obi ga efrateoga tjřeko ga pja ie ber domer tjwľo ara wľeniyo, ga Belén sopga tjřeko ga pja ie ber roy kēs bange. ¹²Judá, Tamar, ba wa Fares kjřshko ga ba tjěyo tek beno ba irgo ľi shdöktong trāk ľľēme. Eni ga rokërwa Jehová kong ga wapga twe bomi kong ľi kjřshko ga pjāy ie ber ľöng eni bakoe» ľě.

¹³Eni ga Booz orkwosmono Rut tjok, ga pono ba tjok, ga beno shāng kjľaraso ľľēm, kjimtara Jehovárē kjřshko. E irgo ga wa buk kjľara domer.

¹⁴Eshko ga walēga eshko so tjľě ľok Noemí kong ga «Jehová poshrěy jľökoyo! Eeri ga kjimtaga twara Jehovárē bop kong kjľara. Rokërwa Jehová kong ga chida ľi roy ie shdär Israel tjěyoga uunkong kong. ¹⁵Pja woyde bop pjlaydorē ara. Bop kong ga tjwľo ara, wapga domerga dogľo kjäk (7) kjinmo. Ga chida ľi weno ba kong. E kjřshko ga pja ie ber mite wľeni, ga pja kėguëshko ga pja de» ľě.

¹⁶Eshko ga chida ľi křrara Noemířē ba wľoshko, ga kuna shāng ba tjok. ¹⁷E koiara walēga eshko so ľirē Obed, ga tjľě ľok ga «Noemí wa buk kjľara» ľě.

E irgo ga Obed, e wa Isaí, e wa David.

David dataga, kjokėga

¹⁸Fares tjěyo tek beno ba irgo ľi beno eni: Fares, e wa Jezrón; ¹⁹Jezrón, e wa Ram; Ram, e wa Aminadab; ²⁰Aminadab, e wa Naasón; Naasón, e wa Salmón; ²¹Salmón, e wa Booz; Booz, e wa Obed; ²²Obed, e wa Isaí; Isaí, e wa David.